

10/10/2001

MIG 29 pamer kehebatan

AKSI taktikal dan aerobatik MIG 29 dan F/A 18D Tentera Udara Diraja Malaysia (TUDM) membuka tirai Pameran Maritim dan Udara Antarabangsa Langkawi 2001 (Lima `01).

Enam jet pejuang MIG 29 yang diketuai Leftenan Kolonel Kamaruzaman Mohd Othman memulakan pertunjukan dengan membuat beberapa formasi menarik di ruang udara Lapangan Terbang Antarabangsa Langkawi.

Juruterbang dari Skuadron 17 dan Skuadron 19 MIG berjaya mempamerkan beberapa formasi taktikal menarik seperti terbang menyilang (cross turn), pecahan melintang (vertical burst), formasi berlian (diamond) dan aksi solo yang berani selain terbang rendah.

Pertunjukan selama kira-kira 40 minit itu, sekali gus menandakan bermulanya Lima `01 edisi keenam yang dirasmikan Perdana Menteri, Datuk Seri Dr Mahathir Mohamad.

Kamaruzaman berkata, latihan bermula sejak sebulan lalu bagi melakukan formasi yang biasanya dilakukan juruterbang aerobatik seperti Red Arrows dan Thunderbirds.

(END)